

Na osnovu čl. 3., 5. i 6. Pravilnika o radu J.P. Međunarodni aerodrom "SARAJEVO" d.o.o. Sarajevo i Zaključka Uprave J.P. Međunarodni aerodrom "SARAJEVO" d.o.o. Sarajevo, broj: 02-1-02-3-6768-59/18 od 04.12.2018. godine, J.P. Međunarodni aerodrom "SARAJEVO" d.o.o. Sarajevo raspisuje

JAVNI OGLAS

za prijem u radni odnos na sljedeće radno mjesto:

I

Rukovalac aerodromskom opremom u Sektoru saobraćaja i usluga u zračnom saobraćaju – devet radnika na određeno vrijeme, i to sa početkom rada nakon okončanja oglasne procedure, do 30.09.2019. godine, uz probni rad u trajanju od dva mjeseca.

Opis poslova radnog mjesta:

- Rukuje svim sredstvima prihvata i otpreme zrakoplova u skladu sa pravilnicima, procedurama, uputstvima i instrukcijama na nivou Društva;
- Brine o tehničkoj ispravnosti opreme kojom rukuje;
- Vodi propisane statistike i evidencije;
- Vršiti prevoz putnika autobusima po pristanišnoj platformi;
- Po potrebi rukuje i ostalim sredstvima u okviru kvalifikacije kao i opremom Zimske službe i opremom za odleđivanje zrakoplova;
- Po potrebi radi na manipulaciji prtljaga;
- Na osnovu rasporeda vrši prevoz radnika na/sa posla;
- Pruža ispomoć vatrogasnoj službi;
- Po potrebi i po nalogu šefa Službe i vođe smjene obavlja i druge poslove iz djelokruga rada Službe za koje je osposobljen.

II

Shodno članu 78. Pravilnika o radu J.P. Međunarodni aerodrom "SARAJEVO" d.o.o. Sarajevo kandidati koji apliciraju za radno mjesto iz tačke I ovog Oglasa, pored opštih uslova propisanih zakonom, moraju ispunjavati i sljedeće posebne uslove:

- KV (III stepen) – vozač ili KV (III stepen) – automehaničar;
- radno iskustvo na poslovima prihvata i otpreme zrakoplova, putnika i stvari u trajanju od najmanje dvije (2) godine;
- položen ispit za vozača najmanje „D“ kategorije;
- važeća potvrda o obučenosti za rukovaoca aerodromskom opremom i agregatima (I9);
- odobrenje za rukovaoca sredstvima za vuču zrakoplova;
- položen ispit za zvanje pomoćni vatrogasac;
- znanje engleskog jezika iz domena poslova koji će se obavljati, a čije će znanje provjeravati Društvo testiranjem.

III

Prijava za prijem u radni odnos podnosi se isključivo na propisanom, uredno popunjenom i vlastoručno potpisanom obrascu "Prijava za zapošljavanje", broj ZR PR 01-3 06 02, koji se može preuzeti na službenoj web stranici Društva: www.sarajevo-airport.ba, u rubrici "Informacije", članak "Prijava za zapošljavanje" – link za preuzimanje obrasca ili lično, na protokolu Društva.

Ukoliko se prijava ne podnese na propisanom obrascu, ista se neće uzeti u razmatranje.

Uz potpisanu prijavu, kandidati su dužni priložiti sljedeće dokumente (**original ili ovjerene kopije**) kojima se dokazuje ispunjavanje traženih opštih i posebnih uslova iz tačke II Oglasa, i to:

1. izvod iz matične knjige rođenih - rodni list;
2. uvjerenje o državljanstvu (**ne starije od šest mjeseci**);
3. prijavu mjesta prebivališta (**ne stariju od šest mjeseci**);
4. svjedočanstvo ili diplomu o završenoj traženoj stručnoj spremi;
5. potvrdu o traženom radnom iskustvu;
6. dokaz o položenom ispitu za vozača najmanje „D“ kategorije (ovjerena kopija vozačke dozvole);
7. važeću potvrdu o obučenosti za rukovaoca aerodromskom opremom i agregatima (I9);
8. odobrenje za rukovaoca sredstvima za vuču zrakoplova;
9. uvjerenje o položenom ispitu za zvanje pomoćni vatrogasac.

IV

Za provođenje oglasne procedure po ovom Oglasu formiraće se Komisija.

Prijavljeni kandidati bit će testirani iz oblasti stručnog poznavanja poslova radnog mjesta na koje apliciraju i engleskog jezika.

Kandidati koji zadovolje na testiranju bit će pozvani na intervju.

Komisija će ocjenjivati kandidate na osnovu rezultata pokazanih tokom testiranja i obavljenog intervjua, nakon čega će sačiniti listu uspješnih kandidata.

V

Ukoliko se za radno mjesto iz tačke I ne prijavi niti jedan kandidat odnosno dovoljan broj kandidata koji ispunjavaju posebne uvjete tražene raspisanim Oglasom, i to u pogledu traženog radnog iskustva i/ili specijalističkih kurseva i/ili potvrda o obučenosti i/ili odobrenja za rad (važeća potvrda o obučenosti za rukovaoca aerodromskom opremom i agregatima (I9), odobrenje za rukovaoca sredstvima za vuču zrakoplova, položen ispit za zvanje pomoćni vatrogasac), komisija za provođenje oglasne procedure će pozvati na testiranje i intervju kandidate koji su dostavili dokaze o ispunjavanju ostalih uslova.

U radni odnos može se primiti i takav kandidat kojeg Uprava J.P. Međunarodni aerodrom "SARAJEVO" d.o.o. Sarajevo izabere sa liste uspješnih kandidata.

VI

Nakon provedenog postupka odabira najuspješnijeg kandidata koji je aplicirao za radno mjesto iz tačke I ovog Oglasa, od izabranog kandidata zatražit će se dostavljanje ljekarskog uvjerenja da njegovo zdravstveno stanje i psihofizičke sposobnosti odgovaraju uslovima radnog mjesta iz tačke I ovog Oglasa, kao i dokumentacije potrebne za izdavanje dozvole za kretanje i zadržavanje lica na međunarodnim aerodromima u skladu sa Pravilnikom o izgledu, sadržaju, uvjetima i postupku izdavanja i oduzimanja dozvola za kretanje i zadržavanje lica na međunarodnim aerodromima ("Službeni glasnik BiH" br. 13/11, 77/13 i 85/17).

VII

Rok za podnošenje prijave po javnom Oglasu je osam dana od dana objavljivanja istog.

VIII

Prijave se podnose preporučenom poštom na adresu: J.P. Međunarodni aerodrom "SARAJEVO" d.o.o. Sarajevo, Kurta Schorka 36 Sarajevo, Ilidža, sa naznakom – Za Oglas za popunjavanje radnog mjesta: - Rukovalac aerodromskom opremom u Sektoru saobraćaja i usluga u zračnom saobraćaju.

Neblagovremene, nepotpune i neuredne prijave se neće razmatrati.